



"Қазақстанның инвестициялық қоры" акционерлік қоғамының инвестициялық декларациясын бекіту туралы

Күшін жойған

Қазақстан Республикасы Үкіметінің 2004 жылғы 24 желтоқсандағы N 1383 Қаулысы. Күші жойылды - Қазақстан Республикасы Үкіметінің 2006.08.17. N 776 қаулысымен

Ескерту. Күші жойылды - Қазақстан Республикасы Үкіметінің 2006.08.17. N 776 қаулысымен.

"Қазақстанның инвестициялық қоры туралы" Қазақстан Республикасының 2004 жылғы 6 шілдедегі Заңына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған "Қазақстанның инвестициялық қоры" акционерлік қоғамының инвестициялық декларациясы бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы

Үкіметінің

2004 жылғы 24 желтоқсандағы

N 1383 қаулысымен

бекітілген

"Қазақстанның инвестициялық қоры" акционерлік қоғамының инвестициялық декларациясы

"Қазақстанның инвестициялық қоры" акционерлік қоғамының (бұдан әрі - Қор) инвестициялық декларациясы "Қазақстан инвестициялық қоры туралы" Қазақстан Республикасының Заңына сәйкес әзірленген және инвестициялаудың мақсатын, стратегиясын, бағыттарын, тәуекелдерді басқару саясатын, бағалы қағаздардың әр түрі бойынша бағалы қағаздар портфелін әртараптандыру нормаларын және Қордың инвестициялық жобаларға қатысуын тоқтату шарттарын айқындайды.

1. Мақсаты

1. Қор жүзеге асыратын инвестициялаудың мақсаты жаңадан құрылатын және жұмыс істеп ұйымдардың жарғылық капиталдарына қатысу жолымен экономиканың шикізаттық емес секторындағы бәсекеге қабілетті өндірістерді құру жөніндегі жеке сектордың бастамаларына қаржылық қолдау көрсету болып табылады.

2. Инвестициялардың стратегиясы және бағыттары

2. Қор жұмыс істеп тұрған өндірістерді кеңейтуге, қайта жаңартуға және техникалық қайта жарақтандыруға, сондай-ақ тауарлар шығару және қызметтер көрсету жөніндегі перспективалы жаңа өндірістерді құруға бағытталған ақталатын және тиімді инвестициялық жобаларды қаржыландыруға қатысады.

3. Қор, егер инвестициялық жоба:

1) Қазақстан Республикасының индустриялық-инновациялық саясатының негізгі бағыттарына сәйкес келсе;

2) экономикалық және қаржылық параметрлері бойынша тартымды болып т а б ы л с а ;

3) ұйымдардың технологиялық әлеуетін ұлғайтуға, өнім өндірудің және қызметтер көрсетудің сапасы мен көлемінің өсуін арттыруға, шикізат пен материалдарды қайта өңдеуді тереңдетуге, жоғары технологиялық өнім шығаруға бағытталса ұйымдарды инвестициялауға қатысады.

4. Инвестициялық жобаларды қарау мен іріктеу тәртібі Қордың Директорлар кеңесінің шешімімен бекітіледі.

5. Қордың инвестицияларын ұйымның жарғылық капиталына жүзеге асыру ү ш і н :

ірі акционер ретінде жобаны орындауды ұйымдастырудың тиісті деңгейін қамтамасыз ететін, жобаның техникалық-технологиялық жағын жүзеге асыру үшін жеткілікті тәжірибесі бар стратегиялық инвестордың қатысуы. Стратегиялық инвестор ретінде бір инвестор да, сол сияқты инвесторлар тобы да қ а т ы с а а л а д ы ;

инвестициялық жобаны іске асыратын ұйым қызметінің аясына немесе саласына салым салу тәжірибесі бар институциональды инвесторлардың қатысуы о р ы н д ы б о л ы п т а б ы л а д ы .

б . Қ о р :

бәсекеге қабілетті салалар мен кластерлерді қалыптастыратын өзара байланысты кәсіпорындардың;

экспорттық бағыттылығы басым қосылған құны жоғары өнімдер өндірісіне және халықаралық еңбек бөлінісінде қазақстандық ұйымдардың қатысуын

ұлғайтуға бағытталған инвестициялық жобаларға бағдарланады.

7. Қордың қаражаты салынған акциялар құнының өсімі мен ұйымдардың жарғылық капиталдарына қатысу үлесі Қордың табыс табуының негізгі нысаны болып табылады. Дивиденд нысанындағы ағымдық кірістердің өсуін Қор өз қызметінің басымдығы ретінде қарастырмайды.

8. Қор уақытша бос ақшаны ішкі және сыртқы рыноктардағы мемлекеттік және мемлекеттік емес бағалы қағаздарды қоса алғанда, Қордың осы инвестициялық декларациясы айқындайтын шекте және тәртіппен өтімді активтерге орналастыруды жүзеге асырады.

Қор уақытша бос ақшаны дербес не сенімді басқарушы арқылы басқаруға қ ұ қ ы л ы .

Уақытша бос ақшаны сенімді басқарушы арқылы басқару шарттары Қор мен сенімді басқарушы арасында жасалатын шартпен айқындалады. Қордың уақытша бос ақшасын орналастыру уақытша бос ақшаның жалпы көлемінің мынадай мөлшерлері шегінде Қордың Директорлар кеңесінің шешімі бойынша жүзеге а с ы р ы л а д ы :

1) Қазақстан Республикасының мемлекеттік бағалы қағаздары - 10 пайызға д е й і н ;

2) халықаралық қаржы ұйымдары шығарған бағалы қағаздар - 100 пайызға д е й і н :

Халықаралық Қайта құру және Даму банкі;

Еуропа Қайта құру және Даму банкі;

А з и я Д а м у Б а н к і ;

И с л а м Д а м у Б а н к і ;

Еуропа Инвестициялық Банкі;

Халықаралық қаржы корпорациясы;

А м е р и к а а р а л ы қ Д а м у Б а н к і ;

Халықаралық Есеп айырысу Банкі;

А ф р и к а Д а м у Б а н к і ;

3) Standard & Poor's шәкілі бойынша BBB-дан немесе Moody's шәкілі бойынша Baa3-тен төмен емес немесе Fitch Ratings шәкілі бойынша BBB-дан төмен емес кредит рейтингі бар елдердің мемлекеттік бағалы қағаздары - 70 п а й ы з д а н а с п а й д ы ;

4) өз қызметін Қазақстан Республикасының аумағында жүзеге асыратын қор биржасының ең жоғары санатының тізіміне енгізілген қазақстандық эмитенттердің мемлекеттік емес бағалы қағаздары - 25 пайыздан аспайды, қаржы ұйымдарының бағалы қағаздарын қоспағанда - 50 пайыздан аспайды;

5) Қазақстан Республикасының егемендік рейтингінің бір деңгейінен төмен емес кредит рейтингі бар қазақстандық эмитенттердің шетел мемлекеттерінің

заңнамасына сәйкес шығарған мемлекеттік емес бағалы қағаздары - 25 пайыздан аспайды ;

6) Standard & Poor's шәкілі бойынша BBB-дан, Moody's шәкілі бойынша Baa3-тен төмен емес немесе Fitch Ratings шәкілі бойынша BBB-дан төмен емес кредит рейтингі бар шетелдік эмитенттердің мемлекеттік емес бағалы қағаздары - 20 пайыздан аспайды ;

7) осы тармақтың 1)-6) тармақшаларында көрсетілген қаржы құралдары базалық активтер болып табылатын туынды құнды қағаздар - 20 пайыздан аспайды ;

8) шетел банктеріндегі (Standard & Poor's шәкілі бойынша BBB-дан немесе Moody's шәкілі бойынша Baa3-тен төмен емес немесе Fitch Ratings шәкілі бойынша BBB-дан төмен емес кредит рейтингі бар) салымдарға (депозиттерге) және шетелдік банктер шығарған депозиттік сертификаттарға - 50 пайыздан аспайды ;

9) тазартылған қымбат бағалы металдар уәкілетті мемлекеттік органның лицензиясы болған кезде - 20 пайыздан аспайды;

10) екінші деңгейдегі банктердің депозиттері. Қор заңнамада белгіленген тәртіппен депозиттерге уақытша бос ақшаны кемінде 3 (үш) екінші деңгейдегі банктерге орналастырады. Олардың әрқайсысының депозит сомасы уақытша бос ақша мөлшерінің 30 (отыз) пайызынан аспауы тиіс.

5000 (бес мың) айлық есептік көрсеткішке дейінгі мөлшердегі уақытша бос ақша екінші деңгейдегі бір банктің депозитінде орналастырылуы мүмкін.

9. Қор Қазақстан Республикасының индустриялық-инновациялық саясатына сәйкес экономиканың шикізаттық емес секторындағы отандық және шетелдік ұйымдар арасындағы өзара тиімді өндірістік кооперацияны дамыту үшін шетелде инвестициялауды жүзеге асырады.

10. Шетелдік инвестицияларды жүзеге асыру кезінде Қор өздігінен немесе қазақстандық инвестормен бірлесіп, инвестиция жүзеге асырылатын елдің заңнамасына сәйкес олар қабылдаған шешімді және/немесе тосқауыл болатын акциялар пакетін айқындауға мүмкіндік беретін шетелдік заңды тұлғаның жарғылық капиталындағы үлесті сатып алады.

3. Тәуекелдерді басқару саясаты

11. Қор ұйымдардың қаржылық тұрақтылығын және олардың бәсекеге қабілеттілігін арттыруға ықпал ететін инвестицияларды салалық және аумақтық әртараптандыру негізінде инвестициялық тәуекелдерді басқарудың ұтымды саясатын жүргізеді. Қордың Директорлар кеңесі тәуекелдерді басқару саясатының өзекті мәселелерін ашатын құжатты бекітеді.

12. Қор өзінің инвестициялық қызметінде инвестициялық жобаларды дамытуға (қаржыландыруға) мынадай кезеңдік әдісті ұстанады: инвестициялық жобалар бойынша ақпараттарды алдын ала талдау, жинау және өңдеу, техникалық-экономикалық негіздемені (бизнес-жоспарды) дайындау, жоспарлы-болжамдық құжаттаманы әзірлеу, маркетингтік, инжинирингтік және өзге де зерттеулер жүргізу, жарғылық капиталға қатысу, инвестицияларға бақылауды ұйымдастыру және жоспарлы кірістілік деңгейін қамтамасыз ете отырып, Қордың жобаға қатысуын тоқтату.

13. Ұйымның жарғылық капиталына Қордың бақылаусыз қатысуы 49 пайыздан аспауы тиіс.

Бұл ретте ұйымның жарғылық капиталына Қордың 700 млн. теңгеден аспайтын мөлшерде қатысуы туралы шешімді Қордың Директорлар кеңесі қабылдайды. Қор басқармасы ұйымның жарғылық капиталына 700 млн. теңгеден аспайтын мөлшерде қатысуы туралы шешім қабылдауға құқылы.

Қор ұйымдардың жарғылық капиталдарына өзінің қатысу үлесін 49 пайыз шегінде ұтымды етуге құқылы, бұл үшін Қор басқа акционерлермен жасалған келісімдердің және инвестициялық жобаларды іске асырудың шарттары негізінде ұйымның акцияларын портфельді инвесторларға және қолданыстағы заңнамаға сәйкес басқа да сатып алушыларға сатуға құқылы.

Ескерту. 13-тармаққа өзгеріс енгізілді - ҚР Үкіметінің 2005.03.28. N 270 қаулысымен.

14. Қазақстан Республикасының экономикасын дамыту үшін стратегиялық маңызы бар ірі инвестициялық жобалар үшін жобаның бастапқы кезеңін қаржыландыру үшін жоба бастамашысының қаражаты жеткіліксіз болған кезде техникалық экономикалық негіздемені (ТЭН) әзірлеу, Қор стратегиялық инвестордың жобаға қатысуы басталғанға дейін Қордың Жарғысына сәйкес Қордың Директорлар кеңесінің шешімі бойынша бастапқы кезеңдердің жұмыстарын орындау үшін жобаның бастапқы кезеңдерін қаржыландырудың негізгі бөлігін уақытша өзіне қабылдай алады. Қор ірі инвестициялық жобаларды іске асыру үшін жарғылық капиталды одан әрі қалыптастыру кезінде осы Декларацияның 13-тармағының ережелерін басшылыққа алады. Қордың ТЭН-ді әзірлеуге байланысты шығыстары инвестициялық жоба бойынша шығындарға күрделендіруге жатады және орналастырылатын акцияларға ақы төлеу және жаңадан құрылатын және жұмыс істеп тұрған ұйымдардың жарғылық капиталындағы үлестер ретінде ескеріледі.

15. Ұйымдардың акцияларына Қордың ақы төлеу мерзімдері мен мөлшері ұйымдардың жасалған келісім-шарттар (жеткізілімдер, мердігерлік және басқалары) жөніндегі төлемдер кестелерін ескере отырып, ұйымдармен жасалған Инвестициялық жобаларды бірлесіп іске асыру туралы шарттарға сәйкес

а й қ ы н д а л а д ы .

16. Қор ол жарғылық капиталына қатысатын ұйымдарды басқарудың мониторингін, сондай-ақ электрондық түрде ұсынылатын есеп беру негізінде жүйелі және жоспарлы байқау арқылы инвестициялық жобалардың мониторингін жүзеге асырады. Мониторинг мыналарды қамтиды:

1) инвестициялық жобаны іске асыру және инвестициялық ресурстарды тиімді пайдалану туралы ақпаратты жинау және жүйелі таңдау;

2) ұйымдардың қаржы-экономикалық және өндірістік-техникалық жай-күйін және олардың қызметінің саланы, өңірді және республиканы тұтастай дамытуға ә с е р і н т а л д а у ;

3) ұйымдардың басқару сапасын бағалау және олардың қызметінің тиімділігін арттыруға бағытталған шараларды әзірлеу.

Қор ұйымдардың ашықтығын қолдауға ықпал етеді және олардың қызметінің аудитіне қатысады.

4. Портфельді әртараптандыру нормалары

17. Инвестициялардың салалық және аумақтық құрылымдары ұйымдардың бағалы қағаздар портфелін әртараптандыру нормаларының негізінде инвестициялық портфельдің сапасына қойылатын мынадай талаптарды ескере отырып а й қ ы н д а л а д ы :

Қазақстан Республикасының резидент ұйымдарына инвестициялар үлесі Қордың меншікті капиталының кемінде 70 пайызын құрауы тиіс;

ЭҚЖЖ (экономикалық қызмет түрлерінің жалпы жіктеуіші) номенклатурасы бойынша салалардың біріне инвестициялардың үлесі Қордың меншікті капиталының 25 пайызынан аспауы тиіс.

Қорды 50 млрд. теңгеге дейін күрделендіру кезінде бір ұйымға және онымен тіркелген құрылымға инвестициялар үлесі меншікті капиталдың 20 пайызынан, 100 млрд. теңгеге дейін меншікті капиталдың 15 пайызынан аспауы тиіс.

5. Қордың инвестициялық жобаға қатысуын тоқтату шарттары

18. Ұйымдардың жарғылық капиталдарындағы акциялар мен қатысу үлестері құнының жоспарланатын өсімін қамтамасыз ету шамасына қарай Қор оларды басқа ұйымдарға сатудан алынған капиталды кейіннен қайта инвестициялау үшін ұйымдардың акционерлеріне де, сол сияқты бағалы қағаздардың ұйымдастырылған рыногына да оның иелігіндегі акциялар мен қатысу үлестерін сатуды жүзеге асыратын болады.

19. Қордың инвестициялық жобаға қатысуын тоқтату шарттары әрбір

жекелеген жағдайда ұйымдармен жасалатын Инвестициялық жобаларды бірлесіп іске асыру туралы шарттармен айқындалады.

20. Қордың инвестициялық жобаға қатысу мерзімі жобаның бизнес жоспарына сәйкес айқындалады.

21. Қор акционерлерді және инвестициялық жобалардың өзге де мүдделі қатысушыларын Қорға тиесілі акцияларды сату ниеті туралы алдын ала хабардар етеді.

22. Қордың Директорлар кеңесінің шешіміне сәйкес Қорға тиесілі қаржы құралдарын сатудың мерзімдері мен тәртібін айқындайды.